



1. Dingjlingz doxbungz
Goenglungz:
Gou yienznaeuz sing hep,
Hix aeu ngap geij gawq,
Baihna j Yah naj myaex,
Dwg mbouj dwg Liuzsaez?

Liuzsaez:
Baihlaeng boux daeggo,
Gangj vah caen raemhraex,
Caeux rox gou naj myaex,
Dongx Liuzsaez guh maz.

Goenglungz:
Liuzsaez mwngz gaej heiq,
Mbouj dwg mwngz naj myaex,
Dwg raemhfaex dangj deng,
Naj mwngz lumj ngveihgva,
Riu daeuj lumj gviqfeih,
Da mwngz luenzndumndum,
Lumj baenz aen dendungz,
Rongh doh ndoeng gocoengz.

Fwngz mwngz lumj ngaenz hau,

Oiq gvaq naeng go'gyau,
Byoemgyaeuj lumj cat youz,
Rwi douh hix ranjdeuz,
Mengq lumj aen gaeuyiengz,
Ga lumj ga roegdiuq,
Hwet lumj hwet duzdoq,
Fouq heuj caezcupcup,
Bouxboux cungj siengj cup.

Liuzsaez:
Lau go lumj nyaenma,
De riu geiqmaeuz daeuj,
Ngoenzneix gyaj bak ndei,
Siengj yaeuh nuengx guh maz?

Goenglungz:
Nuengx daenj mauh naengma,
Ngoenzneix mwngz bae lawz?
Nuengx daenj gouh haiz baengz,
Daeuj ndawlueg guh maz?

Liuzsaez:
Daeuj ranzlwg gwnsix,
Lienz raemx cex bae ma,

Ra baengzndongq daeuj daemq,
Cawx goromj ma ranz.

Daiq ga gaeq hawj lan,
Can daihngeih miz nyaemj.
Mwngz miz roet couh ok,
Gaej cungj dok gumq cwz.

Goenglungz:
Daengngoenz gwnzmbwn venj gig sang,
Couh lumj naj nuengx hoengzmaeq-
maeq,
Ranz gou miz aen gingq gyangqlangh,
Cingj mwngz caeuq gou bae ranz ciuq.

Liuzsaez:
Yenzlaiz daeggo mbouj miz saeh,
Ganjdaeuj ndawlueg loengh dahnuengx,
Siujsim dahnuengx lwnh hawj sau j,
Ngoenzngoenz cau j mwngz lumj cien
gyaeq.

Goenglungz:
Dahnuengx yenzlaiz mwngz mbouj rox,

Sau j mwngz caeux caeux youq denh-
goz,
Mbonq go buenqmbiengj maj ngawh-
rin,
Daihsau j gwnzmbwn yaek miz hoenz,
Raen mwngz ngoenzneix caeuq gou
ndei,
Dingh vaq boux sien bang yinx sienq,
Naq hoengz nyingz sim mbouj hawj liz.

Liuzsaez:
Gawqyienz go rox nuengx lauxsaed,
Gangj vah engqgya aeu nyinhcaen,
Mwngz rox ngoenzneix aen seiqgyaiq,
Bakdou yahmaiq saenzsied lai,
Siujsim bouxboux dawz mwngz ceij,
Yienlien z nuengx gwn godaejgoenq.

Goenglungz:
Aeu gangj geij mbat mwngz cij saenq,
Daihsau j gvaqseiq 20 bi,
Aenvih ndawsim lau vunz ceij,
Gou gyaeng sw hgeij youq ndaw ranz,
Vunz hemq doxcim mbouj bae gvaq,
Vunz naeuz yaek haq mbouj gamj aeu.
(*caengz sat*)

• heiqfwen dinj Vahcuengh •

Rox Byawz Deng Byawz Loek

不知谁人对和错

□ Cungh Swmingz / 钟自鸣

Daegde ienqhoij lai,
Naeuz mwngz gvai fouzbeij,
Ndae j mwngz daeuj guh maex,
Suenq seiq gonq goengrengz.

Daegbeix de sienhsoh,
Roxsoq youh dwggyaez,
De doiq Daegbeu ndei,
Dangq gyaez lwg bonjfaenh.
Simj:
Daegdenz mwngz gaej naeuz,
Saedcaih gou caen huk,

Mbouj rox maz dwg fuk,
Ukgyaeuj ngawz lailai.
Au:
Dwg gou gag boihseiz,
Ndei rwix cix mbouj rox,
Maex lumj duj va moq,
Mbouj gyaezhoh saek di.
Hab:
Ranz lawz mbouj capheiq,
Hak ndei leix mbouj doeng,
Mbouj gvaiq bouxlawz loeng,
Ndwenngoenz cij vandiempz.

(sat)



Gou mbouj bae siengj,
Ndae j mbouj ndae j baenzgoeng,
Gawqyienz gaenq senj coh gizgyae byaij,
Rumz ci fwn soen hix aeu itcig byaij roengzbae.

Gou mbouj bae siengj,
Ndae j mbouj ndae j daengz aiqcingz,
Gawqyienz maij vameizgveiq,
Couh aeu mizmbai bae gangj okdaeuj.



Gou mbouj bae siengj,
Baihlaeng ndang miz mbouj miz rumz gaek fwn gyoet,
Gawqyienz muzbyauh dwg sienqdeihbingz,
Couh cij ndae j ce ngauezlaeng hawj gwnzbiengz.

Gou mbouj bae siengj,
Daengzcoz dwg bingz roxnaeuz homq,
Cijaeu ndiepgyaez sengmingz,
Sojmiz, cungj youq ndaw liuhsiengj.